

Lider di AVP, Mr. Mike Eman:

Medidanan cu premie di AZV preocupante

Efectonan riba costo di bida y gastonan di salario lo ta severo!

ORANJESTAD(AAN):---

"E medidanan cu Gabinete Oduber III a pasa pa cu e prima di AZV ta bay tin consecuencia serio pa tur hende", e lider di fraccion di AVP, mr. Mike Eman a splica prensa.

Eman a splica cu e lo tin efectonan serio pa e trahador-consumidor cu lo bay sinti e medida aki dobel, tanto e parti cu e mes ta paga na prima ta bay subi y prijsnan di productonan ta bay subi ora cu e empresanan pasa e aumento grandi prima di AZV cu ta cai pa nan (6.5%) bek den e prijsnan. Costo di bida cu a bin ta subiendo caba door di un serie di medidanan cu Gabinete Oduber a pasa na September 2001 ta bay aumenta dramaticamente.

Ainda ta bin acerca cu Gabinete Oduber III ta bay subi e tasa di importacion di 7.5% pa 12.5% riba mas di 500 producto cu nos pueblo ta usa diariamente. Esaki ta un aumento di 66% riba locual tabata worde paga promer na invoerrechten.

E lider di AVP ta splica cu e medida di gobierno a cambia dos cos pareu pa locual ta trata e prima di AZV. Na promer lugar a cambia e forma con e suma cu bo ta paga pa AZV ta worde calcula. Awor e prima total pa AZV ta 7.5%. E trahador ta paga parti (1%) di esaki y e dunador di trabao ta paga parti (6.5%).

E prima di 7.5% awor ta worde calcula riba e "zuiver inkomen" di e persona. Esaki

ta, yama pa propositonan practico, bo entrada netto. E entrada zuiver ta ora bo gaba di reduci for di bo entrada bruto tur locual bo ta paga na interes pa cualkier finanza (hypoteca di cas, fianza personal, compra na credito etc.). Tambe bo ta kita for di bo entrada bruto Afl. 250,== pa cada yiu como kinderaftrek. E suma cu ta keda ta bo entrada zuiver, riba esaki ta aplica awor e 7.5%. Hopi hende pa e motibo ey tabata haya placa bek na final di anja, si nan yena na inkomstenbelasting formulier y otronan cu a pidi un loonbelasting vermindering tabata paga menos caba riba nan salario.

Eman ta splica cu e medida di Gabinete Oduber a pasa awor e paga di AZV no ta worde calcula mas riba e "zuiver", pero e onzuiver inkomen. Esaki kiermen cu no ta permiti mas pa reduci tur e interesnan cu bo ta paga y tampoco kinderaftrek promer

cu calcula locual bo tin cu paga na prima di AZV.

Esaki, mr. Mike Eman ta un aumento substancial pa e trahador y e dunador di trabao. Tambe e lider di AVP ta bisa cu esnan cu bisa cu ya nan por calcula kico e kiernen pa un persona aparentemente mes no a compronde locual nan a vota pe. Pasobra simplemente bo no sa cuanto interes un persona tabata reduci for di su entrada bruto y tampoco cuanto kinderaftrek e tabata goza di dje pa bo por bisa kico esaki kiermen pa un persona. E simple logica si cu bo no por kita interes y kinderaftrek mester bisa bo si cu e medida aki ta bay pisa.

E otro cambio ta e aumento di e premiegrens di Afl. 49.000,== pa aña pa Afl. 75.600,== pa aña. Antes un persona no ta paga riba su salario ora e pasa Afl. 49.000,=. Awor e premiegrens a worde aumenta na Afl. 75.600,==. Esaki kiermen cu e prima total anual cu

tabata worde paga pa un persona por ehempel cu un salario bruto di Afl. 6583,== ta total na prima AZV, Afl. 3675,==. Awor esaki ta bay subi di Afl. 3675,== pa Afl. 5700,==. Un aumento dramático di 55%.

Esaki naturalmente ta bay dal e trahador y dunador di trabao cu tin un salario bruto anual riba Afl. 49.000,== sumamente duro. Por bisa cu e persona aki ta gana bon pesey nan por page, pero un aumento di 55% ta un aumento dramático pa un persona y pa e dunador di trabao cu tin hopi persona cu salarionan asina esaki ta bay trece problema serio.

Eman ta bisa cu e problema ta bay ta cu e "loonkosten" pa e empresa ta bay subi enorme.

Den un tempo cu economia tin dos aña practicamente stagna esaki ta un sla hopi duro.

Tambe ta asina cu hopi empresa lo bay pasa e aumentonan aki pa e consumidor den nan prijsnan asina e persona di menos entrada ta bay haya confronta dos vez cu e medida aki di AZV di gobierno.

E lider di fraccion di AVP, mr. Mike Eman ta finaliza bisando cu cambionan cu consecucionan asina severo no por worde trata di e forma aki, sin studia nan consecuencia. E ta sumamente preocupa cu kico esaki ta bay kiernen pa e trahador, e dunador di trabao, nos economia y costo di bida.

TELEFONNAN DI DIARIO
582-6747- FAX 582-8551

ARUBA TA BIRANDO HAITI PART TWO!!

PEDRITO, KIKO A PASA?!
AÑA PASA BO TAWATA
TIN E HERSTBOM AKI
CARGA CARGA CU LUZ!!
E AÑA AKI, MI TA WAAK
2 LUZ SO Y PA COLMO
UN TA KIMA!!

JUANCHO SI MI DONE
HOPI LUZ ATRABE,
ELMAR LO ACUSAMI
DI HORTA CORIENTE.
HASTA METRU DI
CORIENTE MI A
DONE!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL


Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455



Colour T.V.

14"

Afl. 199,=